



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola: *05-1-25-1-543-37/25*

JAVNO

DATUM: 03.11.2025. god.

PRIMALAC: TIPS d.o.o. Leskovec pri Krškem, Republika Slovenija
MANECO d.o.o. Kakanj
BARTOSCH AIRPORT SUPPLY SERVICE GMBH, Anthering,
Republika Austrija
MIGROS d.o.o. Sarajevo

PREDMET: Obavijest o izboru ponuđača u postupku nabavke robe: Kolica za rasuti prtljag

VEZA:

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku robe: Kolica za rasuti prtljag, provedenu metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača: TIPS d.o.o. Leskovec pri Krškem, Republika Slovenija.

S poštovanjem,

v.d. DIREKTOR-a

Sanin Ramezić

DOSTAVLJENO:

1. Ponuđačima
2. Upravi Društva
3. Sektoru za administrativnu podršku
4. Sektoru saobraćaja
5. Sektoru razvoja, tehnike i standardizacije
6. a/a



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opoc@sarajevo-airport.ba
WEB	www.sarajevo-airport.ba	/	/



UPRAVA

Strana: 1 od 3

Broj protokola: 05-1-25-1-543-36/25

JAVNO

Datum: 31.10.2025. godine

Na osnovu člana 70. Zakona o javnim nabavkama („Službeni glasnik BiH“, broj 39/14, 55/22 i 50/24) odnosno člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, člana 45. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Kolica za rasuti prtljag, broj: 05-3-25-1-543-34/25 od 22.10.2025. god., Uprava J.P. Međunarodni aerodrom „SARAJEVO“ d.o.o. Sarajevo, na 62. sjednici, održanoj 31.10.2025. god., donijela je

ODLUKU

I

Za nabavku robe: Kolica za rasuti prtljag, prihvata se ponuda ponuđača TIPS d.o.o. Leskovec pri Krškem, Republika Slovenija, zavedena na protokol Naručioca dana 25.06.2025. godine, pod brojem: 02-4-25-1-543-17/25, u iznosu od: 368.008,97 KM (188.160,00 EUR), bez PDV-a.

II

Po proteku žalbenog roka, J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi ugovor o nabavci iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Kolica za rasuti prtljag, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-543-3/25 od 04.08.2025. god. Nakon provođenja postupka, isti je Odlukom Uprave J.P. Međunarodni aerodrom „SARAJEVO“ d.o.o. Sarajevo, broj: 05-1-25-1-543-15/25 od 04.09.2025. godine, poništen, te je naloženo njegovo ponavljanje. U skladu sa tom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 31.07.2025. godine na portalu javnih nabavki objavilo obavještenje o nabavci, broj: 246-1-1-590-3-206/25, a Rješenjem, broj: 05-1-25-1-543-16/25 od 26.09.2025. god., imenovana je i Komisija za provođenje postupka.

Do ostavljenog roka za predaju ponuda, 10.10.2025. god., na adresu Društva ponudu su dostavila četiri ponuđača, i to: TIPS d.o.o. Leskovec pri Krškem, Republika Slovenija; MANECO d.o.o. Kakanj; BARTOSCH AIRPORT SUPPLY SERVICE GmbH, Anthering, Republika Austrija i MIGROS d.o.o. Sarajevo. Na javnom otvaranju ponuda, održanom isti dan, pročitani su nazivi ponuđača sa sljedećim ponuđenim cijenama:

- TIPS d.o.o. Leskovec pri Krškem, Republika Slovenija - 368.030,87 KM (188.171,20 EUR);
- MANECO d.o.o. Kakanj - 379.998,00 KM;
- BARTOSCH AIRPORT SUPPLY SERVICE GmbH, Anthering, Republika Austrija - 361.711,20 KM (184.940,00 EUR) i
- MIGROS d.o.o. Sarajevo - 338.268,00 KM.

Nakon javnog otvaranja ponuda, Komisija se sastala radi detaljne analize ponuda, te je njihovim pregledom i analizom utvrdila sljedeće:

1. TIPS d.o.o. Leskovec pri Krškem, Republika Slovenija

Prilikom uvida u Obrazac za cijenu ponude – Aneks III, utvrđena je očigledna računska greška u ukupnoj cijeni ponude bez PDV-a, gdje je na više mjesta pogrešno naveden iznos od 188.171,20 EUR, dok je tačan iznos trebao glasiti na 188.160,00 EUR bez PDV-a.

U skladu s članom 17. stav (5) Uputstva za pripremu modela tenderske dokumentacije i ponuda, Ugovorni organ je zatražio potvrdu o ispravci računске greške, a ponuđač se u ostavljenom roku pismeno izjasnio, potvrdio grešku i prihvatio ispravku, čime je ukupna vrijednost ponude korigovana sa 188.171,20 EUR na 188.160,00 EUR bez PDV-a.

Nakon pregleda ponude, uz prihvaćenu ispravku, u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

2. MANECO d.o.o. Kakanj

Prilikom detaljnog pregleda ponude, Komisija je utvrdila da ponuđač nije pripremio ponudu u skladu sa zahtjevima tenderske dokumentacije.

Naime, u tački 5.2 tenderske dokumentacije propisano je da svi listovi ponude moraju biti čvrsto uvezani (korištenjem jemstvenika i pečata, ili ljepljenjem), na način da se stranice ne mogu izvlačiti ili naknadno umetati. Pregledom ponude utvrđeno je da ista nije uvezana na propisan način, već je samo zaheftana, čime nije ispunjen formalni uslov uvezivanja.

U skladu sa tačkom 4.2.2 tenderske dokumentacije, ponuđač je bio obavezan dostaviti original ili ovjerenu kopiju izvoda iz sudskog registra. Dostavljena je neovjerena kopija, što ne zadovoljava traženi uslov.

Prema tački 5.1 pod a) tenderske dokumentacije, ponuda mora sadržavati jasno definisan sadržaj. U dostavljenoj ponudi sadržaj nije priložen.

Dalje, ponuđač nije dostavio sljedeće obavezne dokumente iz tačke 5.1 tenderske dokumentacije:

- ANEKS IV – Nacrt ugovora (popunjen, potpisan i ovjeren) – 5.1 pod e),
- ANEKS V – Izjava o ispunjenosti uslova iz člana 45. ZJN BiH – 5.1 pod h),
- ANEKS VI – Izjava o ispunjenosti uslova iz člana 52. ZJN BiH – 5.1 pod i),
- Potvrdu o dobro izvršenom ugovoru u skladu sa tačkom 4.4.2, kojom se dokazuje tehnička i profesionalna sposobnost – 5.1 pod g),
- Tehničku dokumentaciju za ponuđenu robu (katalozi, datasheets, itd.) iz koje se jasno vidi da oprema ispunjava uslove iz ANEKSA VII – 5.1 pod j),
- Garanciju za ozbiljnost ponude – 5.1 pod k),
- Digitalnu kopiju ponude u skladu sa tačkom 5.3 TD.
- Također, utvrđeno je da stranice ponude nisu numerisane, što je protivno tački 5.2 tenderske dokumentacije.

Imajući u vidu iznad navedeno, a sve u skladu sa članom 2. stav (1) tačka I) Zakona o javnim nabavkama, te članom 68. stav (4) tačka i) Komisija je predložila da se ponuda proglasi nepravilnom i neprihvatljivom.

3. BARTOSCH AIRPORT SUPPLY SERVICE GMBH, Anthering, Republika Austrija

Prilikom detaljnog pregleda ponude, Komisija je utvrdila da ponuđač nije pripremio ponudu u skladu sa zahtjevima tenderske dokumentacije.

Naime, u skladu sa tačkom 5.1 tenderske dokumentacije, ponuđač je bio obavezan dostaviti:

- ANEKS V – Izjavu o ispunjenosti uslova iz člana 45. ZJN BiH – 5.1 pod h), i
- ANEKS VI – Izjavu o ispunjenosti uslova iz člana 52. ZJN BiH – 5.1 pod i),

potpisane i ovjerene od strane nadležnog organa. Pregledom ponude utvrđeno je da navedene izjave nisu ovjerene od strane nadležnog organa. Osim toga, na stranici br. 39 ponude postoji notarska ovjera potpisa, ali se ne može utvrditi na koji dokument se odnosi, niti je jasno naznačeno da se veže za izjave iz ANEKSA V i VI. Time ponuđač nije ispunio formalni uslov iz tenderske dokumentacije.

Dalje, u skladu sa tačkom 4.4.2 pod a) tenderske dokumentacije, ponuđač je bio obavezan dostaviti potvrdu o dobro izvršenom poslu isporuke kolica za rasuti prtljag, ukupne vrijednosti ne manje od 380.000,00 KM bez PDV-a.

U dostavljenoj ponudi, ponuđač je priložio dvije potvrde o realizovanim poslovima, koje se odnose na isporuku tegljača za zrakoplove (LEKTRO), a ne na tražena kolica za rasuti prtljag. Time ponuđač nije dostavio dokaz o realizaciji ugovora koji je istovjetan predmetu ove nabavke, kako je to izričito zahtijevano tenderskom dokumentacijom.

Osim navedenog, ponuđač nije dostavio dokaze da ponuđena roba ispunjava sve uslove iz ANEKS-a VII – Tehnička specifikacija, i to za sljedeće stavke:

- Mehanizam za zaštitni pokrivač – nije dostavljen dokaz da je ugrađen pokretni mehanizam sa integrisanom ručkom u cijeloj dužini mehanizma;
- Zaštitni pokrivač – nije dostavljen dokaz da je lako zamjenjiv (sajla ili konopac);
- Ruda u horizontalnom položaju – nije dostavljen dokaz da sadrži apsorber udara.

Imajući u vidu iznad navedeno, a sve u skladu sa članom 2. stav (1) tačka I) Zakona o javnim nabavkama, te članom 68. stav (4) tačka i) Komisija je predložila da se ponuda ocijeni kao nepravilna i neprihvatljiva.

4. MIGROS d.o.o. Sarajevo

Prilikom detaljnog pregleda ponude, Komisija je utvrdila da ponuđač nije u potpunosti dokazao tehničku usklađenost ponuđene robe sa zahtjevima iz tenderske dokumentacije.

Naime, u skladu sa tačkom 5.1 pod j) tenderske dokumentacije, ponuđač je bio obavezan dostaviti tehničku dokumentaciju (katalozi, datasheets, itd.) iz koje se jasno vidi da ponuđena oprema ispunjava sve uslove postavljene u ANEKS-u VII – Tehnička specifikacija.

Pregledom dostavljenih kataloga i tehničkih priloga utvrđeno je da nisu dostavljeni dokazi za sljedeće tehničke zahtjeve:

- Mehanizam za zaštitni pokrivač – nije dostavljen dokaz da je ugrađen pokretni mehanizam sa integrisanom ručkom u cijeloj dužini mehanizma;
- Zaštitni pokrivač – nije dostavljen dokaz da je lako zamjenjiv (sajla ili konopac);
- Ručna kočnica – nije dostavljen dokaz da se kočnica aktivira podizanjem rude, kako je to zahtijevano u tehničkoj specifikaciji.

Imajući u vidu iznad navedeno, a sve u skladu sa članom 2. stav (1) tačka I) Zakona o javnim nabavkama, te članom 68. stav (4) tačka i) Komisija je predložila da se ponuda ocijeni kao nepravilna.

S obzirom na naprijed navedeno, Komisija je utvrdila da je najpovoljnija, a ujedno i jedina prihvatljiva ponuda ponuđača TIPS d.o.o. Leskovec pri Krškem, Republika Slovenija, te je predložila Upravi Društva da se ugovor za nabavku robe: Kolica za rasuti prtljag, u vrijednosti od 368.008,97 KM (188.160,00 EUR), bez PDV-a, dodijeli ovom ponuđaču.

Uprava Društva je razmotrila predmetni Izvještaj i preporuku Komisije na svojoj 62. sjednici, održanoj dana 31.10.2025. godine, te je, nakon uvida u vođeni postupak, istu i prihvatila, pa je, na osnovu člana 70. ZJN o javnim nabavkama, odnosno člana 25. Pravilnika o javnoj nabavci roba, usluga i radova u Društvu donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

V.d. DIREKTOR-a

Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. Sektoru saobraćaja
5. a/a